

Ye
3654



V, 2.

ORNATISSIMO
 VIRO IVVENI,
ANTHONIO
GVNTHERO
 MOEHRINGIO,
 SERV. ANHALT.
 S. THEOL. CVLTORI,
 VITEMBERGAE SAXONVM,
 MAGNO HOMINVM CONCVRSV
 FACTO,
 ARTIVM LIBERALIVM MAGISTRO,
 RITV AC MORE MAIORVM
 RENVNCIATO
PATER, FRATRES
& AMICVS.

VITEMBERGAE,
 TYPIS MARTINI SCHVLZII, ACAD. TYPOGR.





FILI ET FRATER MVLTO
CARISSIME,

A Deo iucunda est nobis recordatio istius
temporis, quo Ordinis Sapientissimi Praeles, IO. CHRIS-
TOSTOPHORVS VICHMANNSHAVSEN, Vir
doctrina, meritisque magnus, fummos TIBI honores decernit,
decretosque publice confert, ut iure Te meritoque bonis uerbis
pariter, & acclamationibus laetis excipiamus, adeptumque
recens felicitatis genus TIBI perpetuum precemur. Est istud idem
tempus, quo elapso seculi interuallo *Erasmus Schmidius*, at,
quantus in litteris Graecis Doctor, triginta cum tribus Iuuenes ar-
tium liberalium Doctores creabat, &, ut mira referamus, quo
prima Vitembergensis Academiae aetate Decurionis munere fun-
gebatur ingenii turbulenti Vir, *Andreas Bodenstein de Carlstad*,
a quo rerum diuinarum id temporis *Baccalaureo*, quinque
humanae sapientiae *Candidati* Magistrorum privilegia impetra-
bant. Oblectat nos omnino perbeneuolum Patrum Con-
scriptorum suffragium, quando TIBI, eodem in circulum red-
eunte tempore, tertium, inter octo & triginta honorum socios,
Viros aequae ac Iuuenes, locura assignare uoluerunt, TVISque sic
in uirtute uera progressibus magnopere delectamur. Quo autem
proniores istius uel temporis, uel diei memoriam renouamus, eo
maiori nos afficit gaudio, quod in Academia propter albam, quae
ipsa nos etiam ornandos putauit, palmam teneas, &, profligatis
inscitiae ac prolapsionis temerae hostibus, Victor incedas.
Hic scientiarum pontus, hic Heliconis fons, (nemo nobis uiuio
uertat, quod Academiae Parisiensis laudes de Vitemberga nostra re-
petamus) decus TIBI non intermoriurum parat, qui unanimi
prae reliquis consensione Doctorum opportunitate, suaque am-
plitudine gloriari potest, qui *Marliano*, Scriptori Pontificio, *in-
ter omnes orbis urbes urbs celeberrima* audit, qui nunquam non
praeclaras ingenii dotes in amore, deliciisque habet, constanterque
seruatam Iuuenum industriam, frendente Fanaticorum turba,
praemiis auget. Hic certe locus est, qui animum Sapientibus &
mores format, qui benedictionem diuinam interpretatur, prae-
terito

36
terito seculo ducentis & sexaginta tribus supra quinque millia,
& antecedenti quadringentis & triginta quinque supra quatuor
millia uirtutis iter facientibus alumnis dedisse lauros, quem ob
emendatos in sacris ritus, retentamque puritatem, atque illibaram
liberalium disciplinarum integritatem admirantur Eruditi, audito-
que Vitembergae nomine, uelut attoniti obmutescunt, quemque
iure prorsus Maiores, eo inprimis tempore, quo Lutherus & Me-
lanthon hic docebant, πάντων ἀνδράπων κοινὸν παιδευτήριον
uocabant. In hoc cum ultra triennium Musarum hortu persitue-
ris, traditasque artes in pectus admiseris, certum tandem & aet-
ernum laborum TVORVM fructum ab eo, ad quem haec cura
pertinebat, expectare non tantum poteras, sed & consequi. Haec
res magno TIBI honori est, haec plena laudis dignitatum colla-
tio, quae ab ingenio & industria proficiscitur. Valeat nunc o-
mnis, qui honores Academicos spernit, rideat uulgus, praeiudicatisque
opinionibus laborans sibi soli sapiat. TV prudenter
agis, qui ad retundendas dissentientis turbae nugas & HERMAN-
NVM, Hassiae Landgrauium, & ALBERTVM IV., Bauariae
Ducem imitaris, quorum is Pragae *Magister*, hic, Ingolstadi-
nae Academiae Conditor, *Baccalaureus* renunciabatur, quique,
rectam laudis iuiam ingressus, perenne ex doctrinae studiis prac-
mium aufers. Maeste igitur hac TVA forte, noua honorum acces-
sione, quae TE cum optimis coniungit, felix utaris, a terra, ho-
minibusque TE tenebrosis disiungas, tempus in addiscendis do-
ctrinis carum rite colloces, *recte philosophans*, quod *Apollonius*
uult, *adueniente aurora cum Immortali Numine conuerseris*, *pro-*
cedente die cum DEO loquaris, *reliquum tempus rebus humanis & di-*
uinis des, TEque in posterum ita geras, ut omnis colligat, TE
non indignum ad gloriam, qua nunc isuersis, deuocasse Patres.
Ita TE DEVS seruet, resque TVAS ad ritum fortunet. Hoc
uouent

PATER
ET
FRATRES NATV MAIORES.

VIR

VIR ORNATISSIME,



Vod, quam de Te habuerunt con-
sanguinitate Tibi propinqui, spem hodierno die uic-
ceris, dabis, quae minus Tibi defuerunt, & idoneis
doctrinae adiumentis, et, quae in Te est, eximia indol-
lis bonitati. In mentem enim, sicuti spero, reuocabis,
quam sedulo a Fratre tuo Clarissimo, Ordinis sapien-
tissimi nostri socio, mihique multo colendo, ad litera-
rum iuxta, ac uirtutum studium semper excitatus fue-
ris. Huius ad exemplum, ut decet, Te formasti, hunc ducem doctrinae
adhibuisti, atque omne illud, quod ex ipso una cum aliis audiuisti, in suc-
cum, & sanguinem conuertisti. Propterea autem, quod multis multa
debere uolebas, iam inde usque a primis adolescentiae annis studiorum
amore ductus, haud paucos summae eruditionis uiros adibas, atque ab
iporum ore gnauiter pendendum Tibi ducebas. Ut enim A. KV-
NADVM, C. P. LIMMERVM, aliosue doctores celebres, a quibus Ser-
uestae optime instructus, ad nos Virebergenses uenisti, tacitus praeteream,
C. S. SCHVRZFLEISCHII, I. B. ROESCHELII, I. G. BERGERI, Polyhi-
storum aequae, atque istorum, qui sacra mysteria Tibi aperuerunt, LOE-
SCHERORVM, I. G. NEVMANNI, G. WERNSDORFII scholis frequen-
ter interfuisti. Quorum fideli informatione egregie edoctus, cum &
Tibi illud Persii Flaccii: *Scire tuum nihil est, nisi, Te scire, hoc sciat alter*, di-
ctum putares, certamina honesta ingrediendo in publicum produisti, at-
que KVNADO, BRESLERO, meque tandem Praefidibus testatum fec-
cisti, ex eorum numero Te esse, qui salutis suae bene consulunt, & quae
ruunt, horas literis dedicatas recte collocant. Atque ita Ordo Sapien-
tium, qui ingenium tuum a natura ad omnia aptum, studia tua, tuos ad uir-
tutem praeclaros impetus explorauit, legibus omnino agit, quod nomen
tuum ab obliuione, ac interitu hodie iudicet, Teque ad summos in sa-
pientiae studio honores libenter admittat. Quem honoris gradum,
pro meo in Te singulari studio Tibi gratulor, laetorque, Te huiusmodi ac-
cessione fuisse auctum, quam dudum ego praedixi. Neque autem Tibi
tantum gratulor, sed etiam Maxime Venerando Parenti, Fratri Clarissi-
mo, immoue omnibus tuis gratulor, qui talem filium, ac fratrem in Te sint
habaturi, qualem ante nec habuerunt nunquam. Quam ob causam, me
non admonente, quod uarum erit partium, diligenter ages, Teque ita
in posterum geres, qui auct usque uixisti, & quos honorum claritate orna-
tos se praestare oportet. Properanti fauebis

*Dabam e Musco, Virebergae, pridie
Kal. Maii, clo 1666.*

T.

M. IO. ADAMO CALO,
Belgera Misnico, Philosophicae
Facultatis Adiuncto.

Pon Ye 3654
2^o

ULB Halle
001 500 791 3




sb

v. 178

v. 177

4.11.17





Small, light-colored rectangular label affixed to the upper right corner of the cover, containing faint, illegible text.



ORNATISSIMO
 VIRO IVVENI,
 ANTHONIO
 GUNTHERO
 HRINGIO,
 V. ANHALT.
 OL. CVLTORI,
 RGAE SAXONVM,
 MINVM CONCVRSV
 FACTO,
 RALIVM MAGISTRO,
 MORE MAIORVM
 ENVNCIATO
 , FRATRES
 AMICVS.

EMBERGAE,
 SCHVLZII, ACAD. TYPOGR.

